

praecipue *Schems-ed-din Thebrizi* magnas in hoc libro partes agit. Multa persica e *Djelal-ed-dini Diwano* noster excerptit de iisque commentatur. In clausula nomen suum *Loqmāni* edit et hunc se librum A. H. 910 (Chr. 1504—5) Medinae absolvisse testatur.

No. 47. Cod. turc. foll. 146, fol. min., char. neschi scriptus et vocalibus instructus. Est pars tertia majoris alicujus operis de vita Muhammedis, *Kithāb-sijer-en-nebi*, cujus compilator auctores *Abū'l-Hasan Bekri* et *Muhammed Ibn-Is'hāq* sequitur (cf. Codd. 31 et 35). Ab itinere Muhammedis syriaco ejusque cum *Bo'hras*. *Bo'heira* colloquio exorsus usque ad caput de ejus ascensione nocturna in coelos pervenit, cujus tantum inscriptio in fine exstat.

No. 48. Cod. turc. foll. 97, quorum bona pars vacua est, 8° obl., char. neschi et partim nestha'liq scriptus. Ab initio exstant exempla variarum actionum forensium. Hinc sequuntur exempla libellorum supplicum. His adjunctus est ordine foliorum inverso *Kithābi-Qānūn-nāmech*, ubi reperiuntur primum quaestiones magistratum de casibus dubiis et responsa Sultanorum; deinde *Qawānīn*, leges, ad jus agrorum et feudorum spectantes; tum, novo titulo, *Qānūn-nāmei-sultāni we-ājini-resmi-ōḡmāni* in 18 capita divisus, ad jus criminale et civile pertinens. Cf. Cod. 144, no. 9.

No. 49. Cod. turc. foll. 239, 8°, char. nestha'liq binis columnis scriptus, continens *Scheich Kirmāni* poema de amoribus *Cosrois Perwizi* et *Schirinac*. Poeta vixit sub Sultano *Murādo II* (Chr. 1421—51), cujus laudes in prolegomenis celebrat.

No. 50. Cod. turc. foll. 119, 8°, char. neschi scriptus et vocalibus instructus. Praemisso *Schar'hel-esmā el-hosna*, Explicatione epithetorum divinatorum, sequitur, inde a f. 37 r., opusculum miscellaneum dogmatico-ethicum, in quo excellent auctoris invectivae in corruptos Muhammedanorum mores, in usum caffee, herbae nicotianae, aleae, ludi scaccorum et saltationis, it, historia haeresium in Islamo ortarum.

No. 51. Cod. turc. foll. 128, 4° min., char. neschi scriptus, a cujus initio folium excidit. Continet compendium medicinae in duas partes divisum, in quarum priori ponuntur fundamenta medicinae physiologica et diaetetica, in posteriori morborum causae, signa et curationes docentur. Titulus recentius additus est *Kithābi-munthachabi-schifā*, i. e. Liber selectus de arte medendi.

No. 52. Cod. turc. chart. max. parte bombyc., foll. 101, 8° maj., char. neschi scriptus et vocalibus instructus, continens *Theshil* (q. d. Facilitationem, sc. artis medendi), auctore *Hādji-Pāschā*. Est compendium medicinae, quod auctor, ut ipse in praefatione ait, in morbis notioribus et frequentioribus, ubi boni medici copia non est, ejus loco adhiberi voluit. Prima pars physiologica et diaetetica est, secunda cibos, potus et medicamenta recenset, tertia morborum causas, signa et curationes docet. Plurima in hoc libro et in proxime praecedenti verbo tenus congruunt.

No. 53. Cod. turc. foll. 212, 4° min., char. neschi scriptus et vocalibus instructus. Continet versionem turcicam Evangeliorum Matthaei et Marci, ex arabico factam, ab ea quam *Seamanus* edidit prorsus diversam. Singulis capitibus argumenta sua praefixa sunt. Cod. abs. A. Chr. 1660.

No. 54. Cod. turc. foll. 188, 4° min., char. diwaneschisi scriptus, a cujus initio librarius ipse aliqua omisit. Est versio turcica operis celeberrimi arabici *Ibn-Beitari*, de *Simplicibus*, ordine alphabetico. Versio alicui Sultanorum Ottomanicorum inscripta est, cujus nomen desideratur. Cod. abs. A. H. 1048 (Chr. 1638—9).

No. 55. Cod. pers. chart. orient., foll. 208, 4°, char. tha'liq scriptus, continens *Diwanum mysticum Kemāl-ed-dini* s. *Kemāl Chodjendii*, adjectis in fine, inde a f. 198 r., minoribus aliquot fragmentis ejusdem poetae. Cod. abs. in urbe Iraci persici *Qom*, A. H. 838 (Chr. 1434—5).

No. 56. Cod. turc. foll. 92, 4° min., char. neschi scriptus et vocalibus instructus, continens ver-